

四庫全書

子部

欽定四庫全書

子部

山堂肆考卷二百二十九

詳校官中書

臣閔思毅

主事

臣祁韻士覆勘

總校官降調編修

臣倉聖脈

校對官中書

臣

孫球

謄錄監生

臣

馮光熙

欽定四庫全書

山堂肆考卷二百二十九

明彭大翼撰

補遺

天文

天根

爾雅天根氐也注云角亢下繫于氐若木之有根

星紀

爾雅星紀斗牽牛也注云牽牛斗者日月五星之所終

始故謂之星紀

霄雪

爾雅雨寬為霄雪注云寬冰雪雜下者

霆霓

爾雅疾雷為霆霓

渴日

唐詩渴日絕壁出言人難逢日霽望日如渴也故謂之渴日

鮮風

鮮風清風也古詩泠泠鮮風過正月啓蟄時有風曰俊
風仲秋白露節有風曰盲風盲風疾風也又謂之颶風
東北風曰融風東風曰滔風南風曰薰風西風曰泰風
西北風曰飈風北風曰厲風風不已曰闌風餘風曰緒
風和風曰惠風暴風曰戕風奔風曰扶風

芳月

唐詩芳月期未過又山中上芳月半月曰卻月落月曰
歸月

香雲

員嶠山有爛石燒之香聞數十里烟氣升天則成香雲
雲徧則成香雨元微之詩雨香雲淡覺微和盧象詩雲
氣香流水又雲行疾曰駛雲舒布曰泄雲輕雲曰鮮雲
雲一色曰同雲立秋屬陰雲赤如繒曰繒雲陰雲曰愁
雲慶雲曰卿雲亦曰雕雲

狂電

文選弄狂電之淫裔淫裔雷電狂貌

奔雷

唐詩昨夜有奔雷

雪彩

唐詩清晨凝雪彩

風絲

即游絲也

千里鏡

陶秀實清異錄以電形為千里鏡

千里燭

清異錄道士王致曰我平生不曾使一文油錢在家則有扇子燈出路則有千里燭意以日月為燈燭也

伏雨

唐詩闌風伏雨秋紛紛言闌珊之風沉伏之雨久而不止也久雨曰滯雨疾雨曰駛雨小雪雨曰液雨百蟲飲此而藏蟄時雨曰澍雨暴雨曰劇雨

流霜

飛霜也西北地寒常多流霜

宛虹

屈曲之虹也文選宛虹長鬐

渥露

渥濃也文選渥露沾我裳又甘露曰榮露宋書符瑞志
榮露騰軒蕭雲掩閣

卿月

書洪範王省惟歲卿士惟月師尹惟日言王者失得其

徵以歲卿士師尹失得其徵以月以日也

使星

見星

友風子雨

風與雲竝行故曰友雨因雲而生故曰子

頽魄傾陽

謝惠連詩頽魄不再圓傾曦無兩旦注云魄月曦日也
言月既缺一月之中無復再圓日既傾一日之中無更

朝也又曰翔陽言日中有鳥故云翔

瑤井

北斗第七星為瑤井

瓊池

仙經日中有崑崙月中有瓊池

金鵝

韓昌黎詩夜半起下視溟波啣日輪金鵝既騰翥六合

俄清新

銀獐

言雪似銀獐也六朝詩還如驅玉馬暫似獵銀獐楊時
可詩渡橋已看銀河凍上馬爭如玉鳳飛

銀燭

月號為銀燭

玉繩

玉繩即玉衡星也凡夜深則低

月眉

新月如眉六朝詩青山啣月眉

雨腳

唐詩白雨映寒山森森似銀竹銀竹雨腳也

鷹風

秋風也唐詩鷹風凋晚葉

蟬露

蟬生時露最重唐詩蟬露泣秋枝

扶光

謝希逸賦日以陽德月以陰靈擅扶光于東沼嗣若英于西冥扶光扶桑之光謂日也若英若木之英謂月也

榆景

桑榆之景也

曙斗

曉星也唐詩片雲懸曙斗

朝暾

朝日也

從回從申

雷從回電從申陰陽以回薄而成雷以申洩而成電

食形食氣

見月蝕

晏溫

日出清霽也又揚雄賦天清日晏注云晏無雲也

曠莽

日無光也

炊累

炊累即日中微塵炊動也累微細而累多也莊子在宥
篇君子苟能無解其五藏無擢其聰明尸居而龍見淵
默而雷聲神動而天隨從容無為而萬物炊累焉吾又
何暇治天下哉

游蒙

天中清氣也

熹微

日欲暮也陶淵明詞恨晨光之熹微

霖霖

霖霖淅淅濛濛皆小雨貌

颼颼

風吹木也

騷屑

風聲也

瞳矓

瞳矐日欲明貌
矐矐月欲明貌

愛黷

雲氣堆聚貌

髮鬆

齊地寒甚霧氣凝木上可愛曰髮鬆花

霨霨

露垂貌一曰繁雲貌

中黃

日行黃道也文選羲和正轡于中黃

空翠

晴色也唐詩絲管啁啾空翠來又陰亮山行曰空翠爽
人肌膚泉流清人耳目

啓晝

雨而晝見曰啓晝

零宵

初學記甘露宵零

跳丸

唐詩光景如跳丸言日月之流若跳丸也

曳練

初學記飛星若曳匹練

月有九行

月有青白赤黑各二道皆出入于黃道之中故曰九行道不中而過南則為陽道不中而過北則為陰道行陽道則旱行陰道則潦月借日為光月生時如仰瓦是行

陰道矣如弓絃仄樣是行陽道矣故知旱潦者以此

風有四面

拾遺記崑崙山有四面風東南西北一時俱作

交朔合朔

日行黃道月行月道月道交絡黃道外十三日有奇而入經黃道謂之交朔凡月之行歷二十九日五十三分而與日相會謂之合朔

夕陽朝陽

爾雅山西曰夕陽暮乃見日也山東曰朝陽旦乃見日也

時令

昧爽

商書昧爽丕顯言湯于天欲明未明之時即大明其德也

遲明

漢書沛公乃夜引軍從他道還偃旗幟遲明圍宛城三

匝注云言圍城事畢然後天明明遲于是故曰遲明史記遲字作遼亦徐緩之義

申旦

楚詞申旦以舒中情申重也今日已暮明復旦也又天欲旦而昧晦未辯之際曰昧旦天將明而又黑曰黎旦亦曰黎明

浹辰

浹周徧也自子至亥周匝十二辰謂之浹辰自甲至癸

周徧十日謂之浹日十二日亦曰浹

獻歲

宋玉招魂獻歲發春兮汨吾南征注獻進也言歲始來進也

升辰

春秋考異記升辰謂冬至也又秋風蕭瑟之日曰蕭辰

問夜

士相見禮夜侍坐問夜謂問時數也

班春

漢書崔駰傳強起班春注云郡國嘗以春行縣勸農桑振乏絕班布春令也

端月

正月也避始皇諱改為端月

昭時

漢書昭時令日昭明也

積紀

十二年曰一紀二紀外曰積紀

代序

楚辭春與秋其代序言春往秋來以次序相代也

逐除

前歲一日擊鼓驅疫癘之鬼謂逐除

受謝

楚辭青春受謝注云東方春位其色青受謝者言玄冬謝去而青春受之也

再祺

祺亦作基唐溫彥博傳不逮再祺矣

游歲

文選下貧無兼辰之業中產闕游歲之貲兼辰兩日也
游歲再歲也

花朝

二月十二日曰花朝一曰十五日又花開時曰花期

槐序

夏日曰槐序王晏和徐孝嗣詩槐序候方調

蘭時

春時也

麥候

四月節也藝文麥候始清和

鶯時

暮春也唐詩鶯時物色正徘徊

雞晨

藝文戒雞晨而星發

繁節

古詩清風流繁節謂繁華之節也又七月七日曰綺節

奢年

即少年也

標季

末季也漢書當陽數之標季

華滋

即芳年也唐詩坐歎華滋歇

急景

季冬短日刻也

促陰

短景曰促陰又夜色曰玄陰

隆期

謂隆盛時也

藻景

謂華麗之景也

龍歌

五月五日介子作龍蛇之歌以感重耳初學記龍歌令節

蛟食

五月五日屈原歿汨羅初學記蛟食芳辰

膠葛

上清之氣也

扶輿

佳氣貌中州清淑之氣也

伏臘

夏有三伏冬有臘故稱伏臘蓋舉夏冬以該一歲也

亭毒

亭以品其形毒以成其質俗作毒誤矣

駘蕩

文選春物方駘蕩言春時光色施散也

淡沲

唐詩青光淡沲秦東亭淡沲即淡蕩也

拂曙

猶言開曉也唐詩拂曙能先百鳥啼

通晨

文選伐鼓早通晨通晨言報天明也

五夜

漏刻之法甲乙丙丁戊謂之五夜即五更也又初更曰

甲夜夜半曰午夜唐太宗甲夜觀事乙夜觀書

六時

見僧

祁寒

大寒也又曰隆寒曰竺寒

歛暑

人因暑熱而死故曰歛暑又荀子書夏不宛暘宛讀作
蘊暑氣也

纁夏

太玄注萬物豐于纁夏耗于玄冬

廩秋

言秋氣廩然而寒也楚辭竊獨悲此廩秋

三七紀

漢路溫舒從父受歷數天人以為漢厄在三七之間按
三七二百一十歲也又成帝時谷永曰陛下成八世之
功業當陽數之標季涉三七之節紀直百六之災厄注

云漢初至平帝三七二百一十歲之厄今已涉向其節紀也

百六會

董卓傳贊百六有會過剝成災前漢書音義四十六百歲為一元一元之中有九度厄陽厄五陰厄四陽厄旱陰厄水初入元百六歲有陽九厄故曰百六會

亭午

亭至也文選義和亭午

泰晨

謂清平之時

嚴月

季冬之月

周星

天道周星謂一年也

四運

文選即四時也

一昔

一昔一夜也

地理

日畿

帝畿千里象日月經回故曰日畿

月峽

藝文對月峽而吟猿長楊賦西厭月媚東震日域月媚
月所生處也日域日初出處也

鳥道

蜀有鳥道言徑窄纔可通鳥而已

鶴關

邊關也唐詩鶴關音信斷

人國

天竺稱中國曰人國

帝丘

見博學

桂海冰天

南方多桂故曰桂海北方多冰故曰冰天古詩文軌薄
桂海武教燭冰天

丹冥青徼

文選丹冥投烽青徼釋警丹冥南方遠地青徼東方遠
地投去烽火釋捨戍候言天下治平也

陸海

高平曰陸關中地高故稱陸海者萬物所出言關中山

川物產之饒富也

沙嶽

擁沙成嶽也見海賦

浩穰

漢書長安中浩穰于三輔浩大也穰盛也言人衆多之意

脩迴

路長遠也

吳會

今蘇州吳地乃東南一都會也故曰吳會一曰三吳與會稽合言之故云

秦稽

即會稽也始皇登之以望南海故曰秦稽

圭里

高士傳李弘字仲元蜀成都之圭里人里人化之斑白不負戴男女不錯行

玉巒

崑崙山也

神囂仙的

梁宣帝七山寺賦神囂崑崙而獨立仙的皎皎以孤臨
壑之凸凹者曰囂峰之失射者曰的

葉嶼花潭

唐詩葉嶼花潭極望平

紺園

秋園也唐詩紺園澄夕霽

練塘

白水塘也唐詩綠蒲紅蓼練塘秋

青海

吐谷渾中有青海周迴九百里中有一山至冬冰合遊
牝馬其上有波斯草馬食之生驄駒又十三州志青
海在臨羌縣西有卑禾海謂之青海

黑河

黑河在大同府西北四百里古豐州西北有紫河又仙經有紫碧絳青黃五色之河太原府保德州有赤山山皆楓林冬月經霜其葉皆赤故名

琨瑤阜

產琨瑤之山也又有銅錯垠生銅錯之谷也錯金屬一曰白鐵

金銀塘

姑蘇臺東有丹湖內有金銀塘

吳泉

唐呂溫頌狄梁公取日虞淵虞淵日所出處唐人避神
堯諱改為吳泉

秦海

西域大秦國在西海西故曰秦海其國能合諸香煎汁
以為蘇合

露壑風湍

顧雲嵩山隱居題曙景張屏掛清光于露壑飛流界練

貫幽響于風湍

月牕星牖

凡山洞巖穴有竅通明大者曰月牕小者曰星牖

玉漱

唐詩玉漱花爭發金塘水亂流漱浦也

銅陵

山名

銀海

唐詩銀海鴈深飛

金隄

言隄塘堅如金也自開封府滎陽縣東至海口千餘里歷代築之以禦河患

沃野

沃灌沃也言土壤廣遠有灌溉之利

夷庚

陸士衡辯亡論旋皇輿于夷庚反帝座于紫闥繁欽辯

感吳人以船楫為輿馬巨海為夷庚注云夷庚平路也
一作藏車之所

裸壤

不衣之國

露田

不栽樹之田

梓澤

即石崇金谷園

葱山

北塞外山也唐詩葱山隱隱金河北

井眉

井邊之地曰眉若人目上有眉也

岸脅

岸旁也

鼎湖

晉灼曰鼎湖在湖縣昔黃帝採首陽山銅鑄鼎于湖因

名鼎湖漢武于此建宮名鼎湖宮按湖縣即湖城縣屬
京兆湖水源出湖城南三十五里夸父山北流入湖即
鼎河也

亭徼

徼謂以木石為界也又南北曰塞西南曰徼漢武出新
秦中或千里無亭徼

碎葉

突厥城名其地大寒不凍

條枝

亦國名出條枝鳥

行國

外夷隨處畜牧遷徙無常居故曰行國後梁謂北魏為影國影國猶言附庸也

頓丘

地名丘一成為頓丘謂一頓而成也

康莊

爾雅一達謂之道路二達謂之岐旁三達謂之劇旁四達謂之衢五達謂之康六達謂之莊七達謂之劇驂八達謂之崇期九達謂之逵

要害

顏師古曰在我為要在敵為害故曰要害之地左思蜀都賦外負銅梁於宕渠內函要害於膏腴

落滌

琉球國有澎湖島在國西水行五日地近福州泉州興

化漳州四郡界天氣清明望之隱然若烟霧中水至彭湖漸低近琉球謂之落漈漈者水趨下不回也凡兩岸漁舟至彭湖遇颶風作漂流落漈回者百無一二

歸墟

列子曰渤海之東有大壑實惟無底名曰歸墟九野之水天漢之流注之而無增減焉即尾閭也

培塿

小阜也左傳部婁無松柏部婁與培塿同

盤屋

水曲曰盤山曲曰屋

瓜剖豆分

言割土地如瓜之剖豆之分也

烟迴霧錯

唐文複嶂烟迴攢溪霧錯烟迴言其長霧錯言其衆

蒸池

衡州有熱水其氣如蒸名曰蒸池

沉澤

周禮禁沉澤謂以毒藥沉水令魚盡死也

梅社

宋國有梅社大社惟松東社惟桐南社惟梓西社惟槐
則梅社乃北社也又萬花谷西社惟栗北社惟槐

花門

甘州有花門山東北一千里至回鶻又長安華嚴之地
曰蘭街柳市唐詩蘭街柳市芳塵斷

上游

即上流也王者地方千里必居上游漢文據六合之上游

宏域

謂世界也藝文遠想出宏域

轅田

轅與爰同三年爰土易居古制也末世浸廢商鞅復立轅田之制謂三年一易以同美惡也廣州記交趾有駱

田隨潮水上下

輿地

地象車輿載物故曰輿地

畹大

燒田而種曰畹故野燒曰畹火

驚瀧

唐張泌詩溪風送雨過秋寺澗石驚瀧落夜潭

賁庸

天子之牆曰賁庸諸侯之牆曰䟽杼賁大也庸牆也䟽
衰也杼亦牆也

塏道

西都賦彌明光而亘長樂陵塏道而超西墉注云塏道
陞級也

椒塗蘅薄

塗路薄林也椒蘅言其香也文選踐椒塗而郁烈步蘅
薄而芬芳

柳甸梅郊

唐詩柳甸驚初葉梅郊落晚英

雞鹿塞

唐鄭嵎詩春遊雞鹿塞家在鷓鴣天

鴈鶩陂

長安有此陂

都莊野馮

文選都莊雲動野馮風駛莊馮皆道路名言都之莊野

之馮也王仲宣從軍詩館宇充廛里士女滿莊馮自非
聖賢國誰能享茲休或作馮非也

枝峰蔓壑

唐陸魯望集金華山枝峰蔓壑秀氣旁魄

居園

居園中國邊園大雅昊天我居園卒荒

道縣

秦漢之制縣管蠻夷曰道無蠻夷曰縣

天藏

北魏元雍奏曰鹽池天藏也故宋人私鹽私茶四六句
以天藏月團為對本此

雲階

月地雲階清淨之處也

郊藪

郭外曰郊澤無水曰藪又郭外曰郊郊外曰隧

池籞

池中編竹籬以養魚

鬼區

即鬼方蠻夷遠國也文選盛德行乎鬼區

神窟

益州記黃葛峽有相思崖芳泉周灌人謂之神窟

斥鹵

許慎曰東方謂之斥西方謂之鹵斥鹵鹵地可糞為鹽者也又史記貨殖傳地潟鹵亦鹵地也

幅隕

直方曰幅周圍曰隕

子午道

王莽以皇后有子孫瑞通子午道從杜陵直絕南山徑漢中注云女年十四始有婦人之道子水午火也水以天一為牡火以地二為牝故火為水妃今通子午道以協之又婦女有孕曰瑞

朝夕池

即潮汐池也言潮汐朝夕往來故云

懸圃

在崑崙山天帝所居

鬱棲

即糞壤也莊子曰車前草生鬱棲之中

丙穴

蜀地名嘉魚所出

乙地

漢儀常以乙日祀先農耕乙地

菑畬

田一歲曰菑二歲曰新三歲曰畬

原隰

地之延曰衍水所灌曰沃廣平曰原下濕曰隰

三垂

東南西曰三垂即三邊也

萬落

落居也人所聚居故曰萬落

清壑

裴粲傳餌芝清壑

嘉林

見龜

犬牙

漢高帝王子弟地犬牙相制言地形如犬之牙交相入也

獸角

庾信哀江南賦地平魚齒城危獸角按左傳涉于魚齒之下呂氏春秋猛獸以尾為旌以角為城則知庾賦本此

馬齒

應璩詩九州錯雜如馬齒

魚鱗

韓文公詩候館若魚鱗

賈區

漢胡建為軍正監軍御史為姦穿北軍壘垣以為賈區
建斬之以奏注云區者小室之名賈區者言為賣物之
區也

倡園

古詩楊柳動春情倡園妾屢驚倡園倡優之園也又楊
柳花曰倡園花

周原

岐山之南有周原故國號曰周

唐基

言漢以堯為基也

土著

言有城郭常居不隨畜牧而移徙故曰土著漢書理民之道地著為本

谷汲

漢書山居谷汲謂汲水于谷而飲也

百二關

秦地險固二萬人足當諸侯百萬故杜詩休道秦關百
二重又齊負海之險以二萬人敵十萬故文選齊得十
二

十七阨

子胥諫吳王曰齊晉山居陸處豈能越十七阨以有吳
哉

閭右閭左

凡所在閭里之間以富強為右貧弱為左故秦時富強者居閭之右貧弱者居閭之左凡發兵戍守多取居閭右之富強者後因力役繁興併居閭左之貧弱者亦發之遠戍漁陽

道北道南

世說阮仲容阮步兵居道南諸阮居道北北阮皆富南阮貧按仲容咸字步兵籍也諸阮前世皆儒學善居室唯咸一家尚道棄事好酒而貧

紫路

帝京也藝文心馳紫路又紫陌在鄴城西今鄴德府

玄流

海曰玄流

四駱

猶言四夷也

六幽

上下四方幽遠之處也

萆域

帝鄉也即神州又曰芝甸

蘅皋

香草之澤也

三塗

左傳四岳三塗九州之險杜預釋例三塗陸渾山名

六輔

漢書河東河南河內兼三輔為六輔

殊題

河圖曰九州殊題水泉剛柔各異

舍類

春秋說題辭州之為言殊也言殊舍同類異其界也

桑邑

水經注山桑邑俗謂之北平城在亳州

穀林

呂氏春秋堯葬穀林在濮州

棘壁

漢書吳楚七國反先擊破梁棘壁在宋州

桃城

續漢書桃城在燕縣之南滑州是也

鶉首地

史記天賜秦穆公鶉首之地

龍尾溪

水經注龍尾溪神泉障在延州

茨野

安成記昔豫章太守賈萌與安成侯張普爭境戰于新
茨之野即此地也

蒿垣

春秋後語張孟談謂趙襄子曰臣聞董安于之在晉陽
公宮之垣皆蒺蒿在并州

鳩里

漢衛太子東走至湖藏金于鳩里在虢州

兔川

水經注兔川西南流注洛水在慶州

蓮鑊

鄱陽記弋陽嶺上密巖宋元嘉中有人見巖內三鐵鑊
各容百斛中生蓮花

梅池

宋山川記廣陵縣東有梅池

龍鶴山

華陽國志丹陽縣西北十五里有龍鶴山

魚蛇水

益州記魚蛇水自東北陵州界入青神縣界

金堂水

華陽國志新都縣有金堂水通于巴漢

銅宮山

益州記五城縣西南六十里有銅宮山高出衆峰

紫栢坂

華陽國志梁泉縣東八十里有紫栢坂

黃花川

水經注大散水西流入黃花川

石鏡

蜀本紀武都人有女蜀王納以為妃疾卒葬于成都作石鏡一枚以表其墓

銅梁

左思蜀都賦外負銅梁於宕渠內函要害於膏腴又金堂火

井俱在蜀中

魚澤

十三州志效穀縣故魚澤障屬燉煌郡

犀灘

益州記伏犀灘東南六十里有黃魚岸今在犍道縣界

鵲甫溪

水經注鵲甫溪水西北流經鵲甫亭南

馬丘聚

續漢書當塗有馬丘聚昔徐鳳反于此

扈瀆

吳都記松江東瀉海口名曰扈瀆輿地志扈業者濱海
漁捕之名插竹列于海中以繩編之向岸張兩翼潮上
即沒潮落即出魚隨潮入礧竹不得去名之曰扈

布礧

水經注江水東經積布山而南俗謂之積布礧

廣陵

今揚州漢廣陵郡更名江都吳王濞廣陵厲王江都易
王竝居之又輿地志廣陵郡楚漢之際為東陽郡宋文
帝元嘉八年始割江淮間為境居于廣陵又謂之南兗
州

豐浦

水經注江水北合烏江縣之豐浦上通湖也

米砂

安成記鍾山臨水阻峽至春夏則湍狀沸涌潰上白砂

如米兩岸各十餘斛呼曰米砂

鹽田

吳都記海濱廣斥鹽田相望吳王煮海為鹽即鹽官縣境也

逍遙嶺

臨川志城中有五峰三市五峰者青雲嶺逍遙嶺鹽嶺蕭家嶺慶嶺是也三市者宋曾子固贈撫州錢郎中詩翠幕管絃三市晚畫堂烟雨五峰秋即此

惶恐灘

在吉安府萬安縣治西宋文文山詩惶恐灘頭說惶恐
即此

龍額縣

漢平原郡領龍額縣

馬頰河

爾雅九河名有馬頰上廣下狹狀如馬頰

飛梁

華陽國志諸葛亮相蜀鑿石架空為飛梁閣道即古劍閣道也

隱室

水經注壽州八公山有隱室石屏

赤壤

上黨記高平赤壤其地險阻百姓不居

素河

水經注素河水出今皮縣藍山南合新河

阪泉

史記軒轅及炎帝戰于阪泉之野

輿浦

南兖州記輿浦朝夕恒淤濁一朝清澈太守表以為瑞

呂固

王莽末有呂母者其子為縣宰所殺母散財以招少年共殺宰入海中其固在東海縣北謂之呂母固

陶丘鄉

晉書汝陰縣有陶丘鄉

韓原

古今地名韓武子食采于韓原

關瀨

昔關公南征頓師于石子山下山西有小溪水石映澈

因名關瀨

蜜巖

臨川記五章山巖谷嶮峭有蜜蜂依之為房因名

錫盆

十道志錫盆水一名盆泉源出縣西北三十里彎屈似盆其味似醴因名

堯墟

鄭玄詩譜成王封母弟叔虞于堯之故墟史記成王伐管叔以殷餘人封康叔于衛居故商墟也

禹跡

皇甫謐帝王世紀禹自安邑都晉陽曾孫帝相遷帝丘

子少康中興還舊都復禹之跡也又會稽地名曰禹穴
禹藏圖書之所

八門

十六國春秋劉元海遣將攻西河城築營自固有八門
城高九尺

六壁

後魏書太武帝討胡賊于六壁城有六面因以為名

瑤波霞石

藝文瑤波逐穴開霞石觸峰起

葉嶼花潭

唐詩葉嶼花潭極望平

白閣黃陂

關中山水也唐詩故山迷白閣秋水憶黃陂

繁林密苑

文選繁林收陽彩密苑解華叢

崩雲屑雨

文選崩雲屑雨言波浪飛驚如雲之崩如雨之屑也屑
分散也又蕩雲沃日言水畔生雲故蕩之日光浮于水
中故沃之

複嶂攢谿

唐文複嶂烟迴攢谿霧錯烟迴言其長霧錯言其衆

杜陵韋曲

皆長安地名唐詩杜陵韋曲未央前

汧水隴山

汧水隴山祁連皆在扶風

尚冠里

長安里名

蓋節淵

掘鯉淀蓋節淵皆在魏地一在河間一在平原

地鏡池星

韓秋雨詩地鏡時昏曉池星競漂流地鏡水也池星萍藻之屬

天梯石棧

皆蜀山極高者

龍漠狼望

藝文申威于龍漠之西快心于狼望之北皆匈奴地龍漠即龍沙也

馬埒雞場

唐詩馳馬埒鬪雞場皆唐時長安故事也

長薄

長林也唐詩桃花萬騎喧長薄

扈岑

扈密也唐詩扈岑漏景

逸陌

藝文傍逸陌之脩平

渟瀾

藝文渟瀾發微波

胡封

謂胡地之封疆也藝文沈命對胡封

朔鄙

朔北方鄙邊也文選朔鄙多俠氣

迸水

急流之水也藝文晨征凌迸水

細漪

水面細文也藝文映日含風細細漪

繇野

縣遠也藝文遁縣野以宅心

靈河

即黃河也應德璉有靈河賦

遊沫

水上浮沫也藝文游沫聚飛梁

懸淙

即懸泉也藝文百丈注懸淙

紫燕島

在朝鮮廣州海中

白狼河

在胡地唐詩始經玄菟塞終繞白狼河白狼山在烏桓地中黃牛峽白馬江皆蜀地名杜子美有詩

青楓江

江上多楓樹故云唐詩青楓江上秋天遠

白草城

在塞外唐詩白草城中春不入黃花戍上鴈長飛

南交

安南古南交之地

西汜

即蒙汜日所入處

虎鬚灘

在夔州府西杜詩瞿塘漫天虎鬚怒又府東岷江中有
石長百丈若龍脊夏沒冬見

鵲尾渚

舒城縣西北舊有鵲亭又按左傳楚伐吳吳人敗諸鵲岸杜預注舒縣鵲尾渚是也

魚爺井

在瓊州府文昌縣西水極清冽相傳泉與海通中有大魚頭白俗呼為魚爺有人呼之即出

龍母峰

常熟縣西北十八山頂有龍母祠山因名龍母峰漢中府洋縣西漢江之中其南有祠祠左有兩石鰲又有

石洞水流入焉人呼為鷺公潭

青甸

即春郊也初學記別業臨青甸

絳河

絳河去日南十萬里中多赤龍并赤色魚上仙服之則
後天而死

辛夷塢

唐王維輞川別墅有辛夷塢

桃花巖

德安府城西三十里有白兆山上有桃花巖仙人洞并
僧妙濟寫經臺李白讀書堂白贈汪倫詩李白乘舟將
欲行忽聞岸上踏歌聲桃花潭水深千尺不及汪倫送
我情又山中問答詩問余何事棲碧山笑而不答心自
閒桃花流水杳然去別有天地非人間

芙蓉國

成都府名芙蓉國唐詩秋風萬里芙蓉國

薜荔村

唐詩暮雨千家薜荔村

漱玉

文選山溜何泠泠飛泉漱鳴玉

叩鉦

洞庭山石樓下有二石扣之聲如鉦號曰神鉦

別鮮

小山別大山鮮謂不相連也

駝駝

丘陵高大貌甘泉賦崇丘陵之駝駝兮

暑空

小穴也即蜂窠之類莊子曰計四海之在天地也不似
暑空之在大澤乎

碕岸

曲岸也又高岸曰襄岸

厓屨

山峰頭巉巖也

莽𦵏

地廣大貌文選相與騰躍乎莽𦵏之野

嵒嵒

山石廣大貌

寮刺

山高相戾也

嶽巖

山相對而危險之貌

峯客

山石齊貌

巖從

山高峻貌

巖薛

岸高峻貌文選坂坻巖薛又巖嶙山相連貌

瀾迤

地相連也文選瀾地平原

嶺嶢

山深無涯貌又嶙峋亦同

垝圯

地勢垝圯猶言高下又廣大貌賈誼傳大鈞播物垝圯無垠應劭曰其氣垝圯非有限齊也

岬嶂

岸險高貌

紆軫

猶言盤曲也馮衍傳路紆軫而多艱

嶺岈

峻險貌又曰尖銳之山

崩施

山卑長貌楊子曰觀東嶽而知衆山之崩施也况介丘乎浮滄海而知江河之惡沲也况枯澤乎

岬嶮

山深空貌又山險貌

瀑瀑

小沸聲又湫澗水沸貌

盤盪

波旋繞也文選盤盪激而成窟一說山勢迴轉貌

隈淫

水盤渦處也

瀾澳

瀾水波澳水曲也

澆潏

澆潏潏潏潏潏皆水聲

空明

秋水清見底月在水中謂之空明又初學記秋水正澄鮮

潏沆

水深大貌文選滄池潏沆太液池色蒼故曰滄池

谷牙

谷空大也

訇磻

訇磻硿硿皆水聲

泚泚

泚泚沆瀣漫漫皆波廣遠之貌

決瀼

涓流決瀼皆小流水也

絕冥

深澗也文選臨萬丈之絕冥

遙裔

遠地也文選遙裔起長津

飄瓦

莊子曰復讎者不折鎔干雖有忤心者不怨飄瓦是以
天下均平鎔干傷人飄瓦中人而人不怒之者以其物
之無心也

濫觴

泛濫小流貌觴酒盃謂初發源時水小而可浮酒觴也

灝漭

水無涯際貌又碣波高大貌文選陽侯碣石

洶洶

卒起大波也

地慝

慝惡也地慝如磽确之地不宜稼穡斥鹵之地不宜瓜

果之類周禮地官土訓掌道地慝以辨地物

陵夷

陵丘陵夷平也漢成帝紀言帝王之道日以陵夷若陵之漸平也

三隴

廣志流沙在玉門關外東西數百里有三斷名曰三隴

四溟

即四海也又有三源謂桃源玉源靈源中秋日三源夫

人會于桃源

陰岡陽林

山北岡曰陰岡木生山南曰陽林

瓊巘金岸

文選瓊巘嶒峻金岸岬嶺嶒峻岬嶺皆高險貌瓊金皆言其美也

八寓

八方區寓也

五茸

地名吳王獵處

山帶

廬山天將雨則有白雲或冠峰巖或亘中嶺俗謂之山帶

峰文

唐詩驚濤亂水脉驟雨暗峰文

弄田

漢昭帝紀上耕于鉤盾弄田注云謂宴游之田天子所戲弄耳非謂昭帝纔創此名也

乘石

文選履乘石而周公不以為疑乘石天子上車之石也

遐阡邇陌

阡陌田間道南北曰阡東西曰陌

嬰堞帶洙

嬰繞也堞城上女牆也洙水涯也言宮闕繞崇城之堞

帶深溝之涯也

稷下

齊有稷山立館其下以待游士

黔中

黔中今辰州地閩中今蜀保寧府地湟中為西羌今蜀
郡地秦中今關中南中今嶺南閩中今泉州建安也隆
中今南鄧縣

宓汨

水去疾也

泣汙

水沸熱也

兀婁行鬻

石巖嶮峻貌

庖窳巧老

山洞深空貌

穿安

地之卑下處

轉淪

水相次不絕貌

淫徑

雜小路也

方儀

地也文選悠悠方儀一曰柔祗

黑墳

書禹貢濟河惟兗州厥土黑墳海岱惟青州厥土白墳
海岱及淮惟徐州厥土赤埴墳注云黑謂土色黑白赤
同墳謂土脈墳起也土黏曰埴埴膩也

翠微

山氣輕縹也凡山遠望之則翠近之則翠微故云

榛關

墓也藝文榛關向蕪密

蘄門

墓門也唐詩同心不共世空見薜門青又曰松門

處月

處月處密皆西域國名本西突厥之別部唐高宗時梁建方等大破處月朱邪于牢山即此

連雲

亦外夷國名

窮髮

外夷國名地以草木為髮毛北方寒極草木不生故曰

窮髮所謂不毛之地也

跣鬚

西烏桓別種名

結胸

外夷有結胸國其民能從風遠行

交趾

南方夷人其足大指開廣若並足而上兩足相交故因
以名郡云

厭光

外夷有厭光國其民光出口中形似猿猴黑色

長鼓

外夷有長鼓國其民鼓長于身也

真臘

本扶南屬國亦名占臘其王姓刹利名質多斯那者始併扶南而有之

占城

占城國古越裳氏界秦為象郡林邑縣漢改象林縣屬

日南郡



山堂肆考卷二百二十九